

08 NOIEMBRIE
RUGACIUNEA 3
SOBORULUI
TUTUROR PUTERILOR CERESTI

Молитва

О, великий Архистратиже Божий Михаиле, победителю демонов, победи и сокруши всех врагов моих видимых и невидимых, и умоли Господа Вседержителя, да спасет и сохранит мя Господь от всех скорбей и от всякия болезни, от смертоносныя язвы и напрасныя смерти.

О, великий Архистратиже Божий Гаврииле, благовестивый Пречистой Деве Марии зачатие Сына Божия, возвести и мне недостойному страшный день моей смерти, и умоли Господа Бога за грешную мою душу, да простит Господь грехи мои, и не удержат мя диаволи на мытарствах за грехи мои. О, великий Архангеле Божий Гаврииле, сохрани мя от всех бед и тяжких болезней.

О, великий Архистратиже Божий Рафаиле, ты еси путеводитель, врач и целитель, руководствуй мя ко спасению и исцели вся болезни моя душевныя и телесныя, и проведи мя к Престолу Божию, и умоли Его благоутробие за грешную

мою душу, да простит мя Господь и сохранит от всех врагов моих и от злых человек.

О, великий Архистратиже Божий Урииле, ты еси сияние огня Божественного и просветитель помраченных грехами, просвети мой ум, сердце мое и волю мою силою Святаго Духа и настави мя на путь покаяния, и умоли Господа Бога, да избавит мя Господь от ада преисподняго и от всех врагов видимых и невидимых.

О, великий Архистратиже Божий Салафииле, ты молиши Бога за людей верующих, умоли Его благоутробие за мя грешнаго, да избавит мя Господь от всех бед и скорбей, и болезней, и от напрасныя смерти, и от муки вечныя, и да сподобит мя Господь Царствия Небеснаго со всеми Святыми.

О, великий Архангеле Божий Иегудииле, ревностный защитниче славы Божией, ты вдохновляеши прославляти Святую Троицу, вдохнови и мя лениваго славити Отца и Сына и Святаго Духа, и умоли Господа Вседержителя, да созиждет во мне сердце чисто, и дух прав обновит во утробе моей, и Духом Владычним утвердит мя поклоняться духом и истиною Отцу и Сыну, и Святому Духу.

О, великий Архистратиже Божий Варахииле, благословение от Господа нам приносящий, благослови мя положити начало благое исправлению нерадиваго жития моего, да

угожду во всем Господу Иисусу Христу,
Спасителю моему, во веки веков. Аминь.